

3-сонли пудрат шартномаси

29 06 2022 йил

Боғдон шаҳарчаси.

Фориш туман Ободонлаштириш бошкармаси (кейинги ўринларда “Буюртмачи” деб юритилади) номидан низом асосида фаолият юритувчи туман ҳокими **Х.Журакулов** ва “**Бунёдкор- обод-Фориш**” УК (кейинги ўринларда “Пудратчи” деб юритилади) номидан низом асосида фаолият юритувчи жамият раҳбари **К.Фархутдинов** мазкур шартномани қуйидагилар ҳақида туздилар.

1. Шартнома предмети

1.1. Пудратчи ўз зиммасига буюртмачининг топшириғига кўра мазкур шартноманинг 1.2.-бандида кўрсатилган ишларни бажариш ва унинг натижасини буюртмачига топшириш мажбуриятини олади, буюртмачи эса ишларнинг натижасини қабул қилиб олиш ва бунинг учун ҳақ тўлаш мажбуриятини олади.

1.2. Пудратчи кейинги ўринларда “Ишлар” деб аталадиган қуйидаги ишларни бажариш мажбуриятини олади:

Нарвон МФЙ Нарвон қишлоғи ички йўллари жорий таъмирлаш 1,8 км.

Кўрсатилган ишларни бажариш учун пудратчига зарурий лойиҳа-смета ҳужжатлари, техник шартлар тақдим этиш мажбуриятини олади.

1.3. Пудратчи ишларни ўзининг материалларидан, ўзининг асбоб-ускунасида ва ўзининг инструментлари билан бажаради.

1.4. Ишларни бажариш муддати: Буюртмачи томонидан дастлабки 15% аванс маблағи ажратилган кундан бошлаб 30 кун ичида амалга оширади.

1.4.1. Ишлар буюртмачи ёки унинг ваколатли вакили томонидан ишларни қабул қилиш-топшириш далолатномаси имзолангандан кейин бажарилган деб ҳисобланади.

2. Мажбуриятларнинг бажарилиши муддати

2.1. Буюртмачи пудратчига шартнома умумий қийматининг 15% миқдоридан бунақ туловларини амалга оширади. Ишларни қабул қилишда аниқланган нуқсон ва камчиликларни бартараф этиш ишлари тўлиқ ҳажмда бажарилгандан сўнг 85% буюртмачига бажарган ишлар учун охириги, узил-кесил, ҳисоб-китобни амалга оширади.

2.2. Мазкур шартнома Ҳазначилик органларида рўйхатдан ўтгандан сўнг кучга киради ва 2022 йил 31 декабргача амал қилади.

3. Тарафларнинг ҳуқуқ ва мажбуриятлари

3.1. Пудратчининг мажбуриятлари:

3.1.1. Ишларни лозим бўлган сифатда бажариш.

3.1.2. Ишларни мазкур шартноманинг 1.4-бандида кўрсатилган муддатда бажариш.

3.1.3. Объектга лойиҳага биноан зарур булган материалларни, конструкцияларни, бутловчи ашёларни етказиб бериш ва уларни қабул қилиш, тушириш, тахлаш ҳамда сақлашни амалга ошириши;

3.1.4. Ушбу шартнома буйича ишларни бажариш учун жалб қилинадиган махсус ташкилотлар билан субпудрат шартномаларини тузгани туғрисида буюртмачига ахборот бериши ва у томондан ишларнинг бажарилиши юзасидан назоратни таъминлаши;

3.1.5. Ишларнинг натижасини буюртмачига топшириш.

3.1.6. Агар пудратчи ишларни бажариш жараёнида шартнома шартларидан ишларнинг сифатини ёмонлаштиришга олиб келадиган четга чиқишга йўл қўйган бўлса, буюртмачининг талабига биноан аниқланган барча камчиликларни 10 кун ичида текинга бартараф этиш.

3.1.7. Техника хавфсизлиги, ёнғин хавфсизлиги ва объектни қўриқлаш бўйича зарурий чора-тадбирларнинг бажарилишини таъминлаши;

3.1.8. Ишларни шахсан бажариш.

3.2. Пудратчи қуйидаги ҳуқуқларга эга:

3.2.1. Буюртмачи томонидан мазкур шартноманинг 3-бандида кўрсатилган ҳақ тўлаш мажбурияти бажарилмаганда, пудратчи ишларнинг натижасини ушлаб туриш ҳуқуқига эга.

3.3. Буюртмачининг мажбуриятлари:

3.3.1. Пудратчидан ишлар тугалланганлиги ҳақида хабарнома олгандан кейин 5 кун ичида ёки мазкур шартноманинг 1.4-бандида кўрсатилган муддат тугаганда, ишларнинг натижасини кўриб чиқиш ва қабул қилиш, ишларнинг натижасини ёмонлаштирадиган шартномадан четга чиқишлар ёки ишлардаги бошқа камчиликлар аниқланганда, булар ҳақида пудратчига дарҳол хабар бериш.

3.3.2. Ишларнинг натижаларини қабул қилган пайтдан мазкур шартноманинг 3-бандида кўрсатилган ҳисоблашишлар тартиби бўйича ишлар учун ҳақ тўлаш.

3.4. Буюртмачи кўйидаги ҳуқуқларга эга:

3.4.1. Ҳар қандай вақтда пудратчининг фаолиятига аралашмаган ҳолда у томонидан бажариладиган ишларнинг бориш жараёни ва сифатини текшириш.

3.4.2. Буюртмачи иш натижаси ўзига топширилгунга қадар истаган вақтда шартномадан воз кечиб, белгиланган баҳонинг буюртмачи шартномани бажаришдан воз кечганлиги тўғрисидаги хабарнома олингунга қадар бажарилган ишлар қисмига мутоносиб қисмини пудратчига тўлаш. Бунда буюртмачи пудратчига шартноманинг бекор қилиниши туфайли етказилган зарарни бажарилган ишнинг баҳоси билан ҳамма иш учун белгиланган баҳо ўртасидаги фарқ доирасида тўлаши ҳам шарт.

4. Шартноманинг баҳоси ва ҳисоблашишлар тартиби

4.1. Мазкур шартноманинг баҳоси 1020600000=00 (Бир миллиард йигирма миллион олти юз минг) сўмни ташкил қилади.

4.2. Буюртмачи томонидан пудратчига шартнома баҳосини тўлаш бажарувчининг мазкур шартномада кўрсатилган ҳисоб-китоб ҳисобварағига пул маблағларини кўчириш йўли билан амалга оширилади.

5. Тарафларнинг жавобгарлиги

5.1. Пудратчи мазкур шартноманинг 1.4-бандида кўрсатилган ишларни бажариш муддатини бузганлиги учун буюртмачига шартнома суммасидан 20 % миқдорда жарима ва ҳар бир кечиктирилган кун учун мажбурият бажарилмаган қисмининг 0,5 фоизи миқдорида пеня тўлайди, бироқ бунда пенянинг умумий суммаси бажарилмаган ишлар баҳосининг 50 фоиздан ошиб кетмаслиги лозим. Пеняни тўлаш шартнома мажбуриятларини бузган тарафни етказилган зарарни қоплашдан озод этмайди.

5.2. Бажарилган ишлар ҳақини ўз вақтида тўламаганлик учун буюртмачи пудратчига ўтказиб юборилган ҳар бир кун учун кечиктирилган тўлов суммасининг 0,4 фоизи миқдорида, аммо кечиктирилган тўлов суммасининг 50 фоиздан ортиқ бўлмаган миқдорида пеня тўлайди.

5.3. Мазкур шартномада кўзда тутилмаган тарафларнинг жавобгарлик чоралари Ўзбекистон Республикаси ҳудудида амал қилувчи фуқаролик қонунчилиги меъёрларига мувофиқ қўлланади.

5.4. Неустойка тўлаш тарафларнинг улар олдида турган мажбуриятларини бажаришдан ёки шартларнинг бузилишини бартараф этишдан озод этмайди.

6. Форс-мажор ҳолатлари

6.1. Ҳеч бир тараф иккинчи тараф олдида ўзига боғлиқ бўлмаган сабабларга кўра ва енгиб бўлмас куч мавжуд бўлган тақдирда ушбу шартномада кўрсатилган мажбуриятлари бўйича жавобгар эмас. (Уруш эълон қилиниши ёки бошланиши, фуқаролар тартибсизлиги, эпидемия, эмбарго, ер кимирлаши, сув тошқини, ёнғин ва бошқа табиий офатлар шулар жумласидандир.)

6.2. Бартараф қилиб булмайдиган кучларнинг мавжудлиги ёки амалда давом этаётганлигини Ўзбекистон Республикаси Ҳукуматининг шунга оид қарорлари ёки бошқа ваколатли органлар томонидан берилган гувоҳномалари унинг етарли даражадаги тасдиғи бўлиб ҳисобланади.

6.3. Ўз мажбуриятини бажармаган тараф шартнома буйича мажбуриятни бажаришга унинг таъсир кўрсатиши ёки монелик қилиши тўғрисида бошқа тарафга имкон қадар тезда хабар бериши лозим.

7. Низоларни ҳал этиш тартиби

7.1. Мазкур шартномани бажаришда юзага келадиган низолар ва келишмовчиликлар тарафлар ўртасида имкон қадар музокаралар йўли билан ҳал этилади.

7.2. Низоларни тарафларнинг музокаралари йўли билан ҳал этиш имкони бўлмаган тақдирда, тарафлар келишмовчиликларни бартараф этиш борасида қонунчиликда кўзда тутилган судгача бўлган жараёнларни амалга оширилганларидан сўнг уларни қонунчиликда белгиланган тартибда иктисодий судга кўриб чиқишга топширадilar.

8. Шартномага ўзгартириш ва қўшимчалар киритиш тартиби

8.1. Ушбу шартномага ҳар қандай киритилган қўшимча ва ўзгартишлар ёзма равишда расмийлаштирилиб, ҳар иккала тараф томонидан имзоланиб, Ҳазначилик органларида рўйхатдан ўтгандан сўнг ҳақиқий кучга эга бўлади.

8.2. Шартномани муддатидан олдин бекор қилиш тарафларнинг келишуви буйича ёхуд Ўзбекистон Республикасининг амалдаги Фуқаролик кодекси ва қонун ҳужжатларида назарда тутилган асослар бўйича, етказилган зарарларни қоплаш билан амалга оширилиши мумкин.

8.3. Буюртмачи қуйидаги ҳолларда шартномани бекор қилишга ҳақли:

-Пудратчининг айби билан ишларнинг боришини сусткашлик билан тухтатиб турилиши, яъни ушбу шартномадаги ишларнинг тамом бўлиш муддати бир ойдан кўпга ошиб кетганда;

-Пудратчининг шартнома шартларини бузиши натижасида лойиҳада кўрсатилган ишларнинг сифати пасайганда.

8.4. Пудратчи қуйидаги ҳолларда шартномани бекор қилишга ҳақли:

-Буюртмачи томонидан пудратчига боғлиқ бўлмаган сабаблар буйича қурилиш-монтаж ишларининг боришини бир ойдан ошадиган муддатга тўхтатиб турганда;

-Буюртмачи томонидан кейинчалик ишларни молиялаш имконияти йўқотилганда.

8.5. Буюртмачи ва пудратчининг биргаликдаги қарори буйича шартнома бекор қилинганда, буюртмачига тугатилмаган қурилиш топширилади, буюртмачи эса пудратчига улар томонидан аниқланган бажарилган ишларнинг ҳажми кийматини тулайди.

8.6. Шартномани бекор қилишга қарор қилган тараф бошқа тарафга ёзма хабарнома юборади.

9. Коррупцияга қарши курашиш шартлари

9.Томонлар шартнома бўйича ўз мажбуриятларини бажараётганда Ўзбекистон Республикасининг коррупцияга қарши курашиш тўғрисидаги қонун ҳужжатларининг талабларига зид келадиган ҳар қандай ҳаракатларни амалга оширмайдилар, шу жумладан пора, яъни ташкилот ходими ўз хизмат мажбуриятларидан фойдаланган ҳолда пора берган шахснинг манфаатларини кўзлаб муайян ҳаракатларни содир этиш ёки содир этмаслиги шартлиги ёхуд мумкинлиги учун моддий қимматлик ёки мулкий наф олиш учун қуйидаги ҳаракатларни қилмайди;

Пора беришни таклиф қилиш ёки ваъда бериш;

Товламачилик қилиш;

Пора сифатида пул тўлаш;

Бевосита ёки билвосита пора олишга розилик бериш;

Томонлар ушбу ҳаракатларга йўл қуймаслик бўйича чоралар кўрилишига қафолат бериш

9.2 Агар шартнома бўйича бир томон ходимининг ахлоқга тўғри келмайдиган ва ушбу шартнома ёки Ўзбекистон Республикаси қонунчилик ҳужжатларига зид келадиган хатти -ҳаракатларига, шу жумладан коррупцияга оид ҳуқуқбузарлик содир этишга мажбурлашдан иборат бўлган фактларга дуч келса, бу ҳақда қуйидаги алоқа каналларидан бири орқали хабардор қилиш керак.

Коррупция ҳақида хабар беришга мўлжалланган ишонч телефони: Cal markaz-1253. Telegram kanali e-mail; info @ anticorruption.uz

10. Якуний қоидалар

10.1. Мазкур шартномага киритиладиган ҳар қандай ўзгартириш ва қўшимчалар, улар фақат ёзма шаклда тузилиб, тарафларнинг бунга ваколатли вакиллари томонидан имзоланиб, Ҳазначилик органларида рўйхатдан утгандан сунг хақиқий ҳисобланади ва 31.12.2022 йилгача амал килади.

10.2. Мазкур шартнома икки нусхада тузилди. Иккала нусха айнан бир хил ва тенг кучга эга. Тарафларнинг ҳар бирида мазкур шартноманинг бир нусхаси мавжуд.

10.3 Шартномага
илова _____

9. Тарафларнинг манзиллари ва банк реквизитлари

«Пудратчи»
«Бунёдкор-обод-Фориш» УК

(етказиб берувчи номи)

Адрес: Жиззах вил. Фориш туман Боғдон ш.
Ш.Рашидов кўчаси 3-уй

ИНН :308469518

Тел./факс 938220284

х/р: 2020 8000 605 386 594 001

Банк: «Агробонк» АТБ Фориш филиали

МФО:00133

«Буюртмачи»

Фориш туман Ободонлаштириш
бошқармаси

(бюджетдан маблағ олувчининг номи)

Манзил: Фориш т. Боғдон ш. Ш.Рашидов к.
3-уй

ш/ҳ* 401722860082357045204110001

Банк номи: Тошкент ш Марказий банк
БХХКМ

МФО: 00014 СТИР: 206 943 329

ОКОНХ: _____

Ҳазначилик бўлинмаси номи

Ўз.Рес. Молия вазирлиги ягона Ҳазна ҳисоб
варағи

Ҳазна х/в: 23402000300100001010

МФО: 00014

ғазначилик бўлинмаси СТИР: 201 122 919

Раҳбар: _____ К.Фархутдинов

(имзо)

Раҳбар _____

(лавозим)

имзо

(Ф.И.Ш)



М.Ў.





Фориш туман "Ободонлаштириш бошқармаси" томонидан туман бюджет маблағлари ҳисобидан Фориш тумани Нарвон МФЙ Нарвон қишлоғи ички йўлларини жорий таъмирлаш ишлари учун № 107463 – сонли лот билан ўтказилган электрон танлов натижасини кўриб чиқиш ва ҳолибни аниқлаш бўйича танлов ўтказиш комиссиясининг

МАЖЛИС БАЁННОМАСИ № 5

2022 йил « 24» июнь

Богдон шаҳарчаси

Қатнашдилар:

Фориш туман "Ободонлаштириш бошқармаси" бошлиғи Х.Жўракулов - баҳолаш танлов комиссиясининг раиси

КОМИССИЯ АЪЗОЛАРИ:

- | | |
|---------------------|--|
| 1. Казаков Жаҳонгир | Бошқарма муҳандиси-танлов комиссияси котиби. |
| 2. Нуркулов Бобир | Бошқарма бош муҳандиси-комиссияси аъзоси. |
| 3. Узоқов Сунат | Бошқарма бош муҳандиси-комиссияси аъзоси. |
| 4. Музаффаров Юсуп | Бошқарма муҳандиси-комиссияси аъзоси. |
| 5. Исанова Раъно | Бошқарма ҳисобчиси-комиссияси аъзоси. |

Кун тартиби:

1. ЛОТ № 107463 билан Нарвон МФЙ Нарвон қишлоғи ички йўлларини жорий таъмирлаш ишлари учун **ЭЪЛОН (БУЮРТМАНОМА)**

Нарвон МФЙ Нарвон қишлоғи ички йўлларини жорий таъмирлаш ишлари бўйича ахборот порталига жойлаштирилган 2022 йил 06 июндан 16 июнгача 10 кун муддатга ЛОТ № 107463 – сонли эълон (талабнома)га асосан талабгорлар томонидан тақдим этилган таклифлар бўйича.

2. Нарвон МФЙ Нарвон қишлоғи ички йўлларини жорий таъмирлаш ишлари бўйича (бажариш) иштирок этган ташкилотлар ва уларга қўйилган умумий баллар.

Млн.сўмда.

| Товар (иш, хизмат)нинг номи | Ул. бирл | Сони | «Бунёдкор обод фориш» МЧЖ | | «Advanced youth» МЧЖ | |
|---|-------------|------|---------------------------------|-----------------|---------------------------------|-----------------|
| | | | Таклиф этилган нарх (сўм) | Уму мий балл | Таклиф этилган нарх (сўм) | Уму мий балл |
| Нарвон МФЙ Нарвон қишлоғи ички йўлларини жорий таъмирлаш ишлари | Хизмат | 1 | 1020,6 | 78,5 | 1024,2 | 64,8 |

Талабгорлар томонидан Нарвон МФЙ Нарвон қишлоғи ички йўлларини жорий таъмирлаш ишлари бўйича 2022 йил 13 июндан 23 июнгача 10 кун муддатга ЛОТ № 107463 – сонли эълон юзасидан 24.06.2022 йил соат 09: 50 га қадар оғзаки ёки ёзма эътироз ва муурожаатлар тушмади.

Комиссия Нарвон МФЙ Нарвон қишлоғи ички йўлларини жорий таъмирлаш ишлари учун ўтказилган танлов бўйича:

Қарор қилади:

1. Фориш тумани Нарвон МФЙ Нарвон қишлоғи ички йўлларини жорий таъмирлаш ишлари бўйича ўтказилган танловда 78.5 балл билан ҳолиб бўлган «Бунёдкор обод фориш» МЧЖ билан шартнома имзоланиб, ғазначилик бўлимидан рўйхатдан ўтказилсин.

1. Казаков Жаҳонгир
2. Нуркулов Бобир
3. Узоқов Сунат
4. Музаффаров Юсуп
5. Исанова Раъно

YURIDIK AHAMIYATGA EGA HUJJATLARNING QONUN HUJJATLARIGA MUVOFIQLIGI TO'G'RISIDA HUQUQIY X U L O S A

1.Loyihaning turi. Shartnoma

2.Loyihaning nomi.

“Bunyodkor Obod-Forish” DUK va Forish tuman Obodonlashtirish boshqarmasi o'rtasida “Norvon” MFY “Norvon” qishlog'i ichki yollarini ta'mirlash bo'yicha shartnoma (1020600000=00 so'mga) tuzish haqida.

3. Loyiha ishlab chiquvchisi va kiritilgan sana haqidagi ma'lumot.

Loyiha Forish tuman yuridik xizmat ko'rsatish markaziga huquqiy ekspertizadan o'tkazish uchun 29.06.2022 yilda kiritilgan.Loyihaga Davlat xaridlarini amalga jshirilgani bo'yicha tegishli xujjatlar ilova etilgan.

Shartnoma loyihasi O'zbekiston Respublikasining “Xo'jalik yurituvchi sub'ektlar faolliyati shartnomaviy- huquqiy bazasi to'g'risida”gi qonunini;

O'zbekiston Respublikasining “Davlat xaridlari to'g'risida”gi qonunining 56-63-moddalaridagi davlat xaridi bo'yicha tanlov o'tkazish talab va shartlari;

O'zbekiston Respublikasi Prezidentining 14.09.2021 yildagi “Shartnomaviy munosabatlarni tubdan takomillashtirish chora-tadbirlari to'g'risida”gi PF-6313-sonli Farmonining 3-qism v)-bandiga muvofiq tuzilgan.

Shuningdek, loyihada O'zbekiston Respublikasi Vazirlar Mahkamasining 2011-yil 24-avgustdagi “Byudjet tashkilotlari va byudjet mablag'lari oluvchilarning xarid qilishda 15 foizdan ortiq miqdorda avans to'lashi mumkin bo'lgan tovarlar (ishlar, xizmatlar)ning turlari ro'yxatini tasdiqlash to'g'risida”gi 241-sonli qaroriga asosan 15 foiz miqdorida oldindan to'lovni amalga oshirish nazarda tutilgan.

Shartnoma ishtirokchilarining huquq va majburiyatlari O'zbekiston Respublikasining Fuqarolik kodeksi, O'zbekiston Respublikasining “Xo'jalik yurituvchi sub'ektlar faolliyati shartnomaviy-huquqiy bazasi to'g'risida”gi qonunini talablariga javob beradi, shartnoma shartlari yuzasidan kelib chiqishi mumkin bo'lgan javobgarlik masalasi tomonlar o'rtasida qonuniy kelishilgan, nizolarni hal qilish tartiblari belgilangan.

Shartnoma loyihasini huquqiy ekspertizadan o'tkazish natijalariga ko'ra:

X U L O S A

“Bunyodkor Obod-Forish” DUK va Forish tuman Obodonlashtirish boshqarmasi o'rtasida “Norvon” MFY “Norvon” qishlog'i ichki yollarini ta'mirlash bo'yicha shartnoma loyihasi amaldagi qonun talabiga muvofiq va uni imzolash mumkin

Markaz bosh yuriskonsulti



K. Shaxarov

29.06.2022 yil